

# SCRIPTA

---

**Numéro Scripta** : 3929

**Auteur(s)** : Henri Louvel, Verneuil-sur-Avre (bailli)

**Bénéficiaire(s)** : Hubert de la Vente [particulier]

**Genre d'acte** : charte

**Authenticité** : non suspect

**Datation** : 1282, août

**Action juridique** : autre

**Langue du texte** : ancien français

## Analyse

Henri Louvel, garde du baillage de Verneuil, fait savoir que Richard de La Roche a reconnu avoir vendu et abandonné à Hubert de la Vente 663 arpents et demi de bois de Senonches avec tout le droit que ledit Richard y avait.

## Tableau de la tradition

### Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Harde l (MSAN ; 16, 2e série, 6, p. 160-390), 1852, n° 1001, p. 258-259.

Texte établi d'après a

A tous cheus qui ches lettres verrunt et orrunt, Henri Louvel, garde de la ballie de Vernieul, salut. Sachent tuit que par devant nous vint monseigneur Ricart de la Roche, chevalier, afferma (sic) et requeut par devant nous li avoir vendu et, en nom de pure vente, quité et otrié desorendroit bonement à tousjours à Hubert de la Vente sis chens sessante trois arpens et demi de ses bois de Senonches avec le fons de la terre du dit bois en seur que tout, tout le droit, la segnourie, la garane, la justise que il avoit ou avoir pavoit, par quele cause que che fust, el devant dit bois vendu et u treffons de l'eritage, à prendre et à avoir, se il est à savoir : trois chens soissante trois arpens et demi, en sa partie d'un bos que oun appelle la grant pièche de l'escaanche la dame de Loogni, è le remanant là où il plera d'ausi bone value et autresi bien profetable, arpent l'un parmi l'autre, comme chelui de la pièche desus ditte, pour sis chens sessante trois livres dis sous de pesis, des quies il se tint pour païé par devant nous. E vout et otria par devant nous le devant dit chevalier que le devant dit Hubert et ses successeurs ou cheus qui aront cause de lui tiennent les choses vendues de seur dittes de nostre chier seigneur le roy de Franche, et en fachent dès ore en avant leur plenièrè volenté sans reclaim du devant dit chevalier ne de ses hoirs. Et pramist li devant dit chevalier par devant nous toutes les choses desus dittes vendues et chascune d'icheles garantir, delivrer et deffendre au dit Hubert et à ses hoirs et à cheus qui aront cause de lui as propres cous du dit chevalier et despens, en jugement et hors jugement, envers tous et contre tous, à tousjours mès, è les deliverra de tous enpeechemens, è en oblija le devant dit chevalier, au devant dit Hubert et à ses hoirs et à ses successeurs, li et ses hoirs et ses successeurs, et tous ses biens et les biens de ses hoirs et de ses successeurs moebles et immoebles, presens et à venir. En la quel chose de testemongne et de fermeté nous avon mis le seel de la ballie de Verneul à cheste presente chartre, à la requeste du devant dit chevalier, avec li sien propre seel. Ce fu fait en l'an de grace mil deus chens quatre vins et deus, el mois d'auoust.